



**R. P. Ferdinandi De Castro Palao, Legionensis Soc. Iesv,
Sacrae Theologiae Professoris, Et sanctae Inquisitionis
Qualificatoris & Consultoris; Operis Moralis, De Virtutibus,
Et Vitiis Contrariis, In ...**

De Virtute Religionis, Et Ei Annexis; Continens septem Tractatus
Theologiae Moralis praecipuos. Primus, in ordine septimus, est de Oratione
... Septimus, & latissimus, de Beneficiis Ecclesiasticis

Castro Palao, Fernando de

Lugduni, 1669

[Prooemivm.]

[urn:nbn:de:hbz:466:1-76561](https://nbn-resolving.org/urn:nbn:de:hbz:466:1-76561)



TRACTATUS XII. RELIGIONIS,

QVI EST

DE REVERENTIA DEBITA ECCLESIASTICIS
PERSONIS, ET EORVM BONIS, ET
Immunitate Ecclesiastica.

Et Disputatio vnica sub eodem titulo.

PROOEMIUM.

MANIFESTVM est Ecclesiasticis personis, vtpotè in cultum Dei specialiter destinatis, specialem aliquam reuerentiam deberi. Primò enim debetur eis immunitas, indemnitas, & securitas à qualibet iniuriosa percussione, quæ indemnitas dicitur priuilegium canonicatus; quia à canone *si quis suadente* 17. *quæst.* 4. conceditur. Proteguntur enim ibi Clerici excommunicatione lata aduersus illorum percussores. Secundò, debetur Clericis exemptio à iudicio, iurisdictioneque laicæ potestatis, tam quoad suas personas, quàm quoad sua bona; & hæc vocatur Ecclesiastica libertas, seu immunitas. De prima immunitate, & indemnitate latè diximus *tract. de excommunicat. in disp. de excommunicat. referuatis in decreto*. Secundam immunitatem in præsentī assumimus explicandam.



PVNCTVM I.

Quo iure clerici à potestate laicorum exempti sint.

- 1 De iure est Clericos exemptos esse.
- 2 In causis spiritualibus certum est esse exemptos.
- 3 In temporalibus plures affirmant ex iure diuino prouenire hanc exemptionem.
- 4 Alij contra consent in iure diuino fundamentum habere. At ex iure positiuo prouenire hanc exemptionem, quod est probabilius.
- 5 Satisq; oppositis fundamentis.
- 6 At nulla humana potestate hæc exemptio à Pontifice concessa tolli potest.
- 7 Imò neque ipse Pontifex eam integrè tollere potest.
- 8 Probabilius est ipsam Pontificem immediatè à Christo exemptum esse.

1 **F**ide tenendum est Clericos à potestate laicali exemptos esse: enim habetur *c. si Clerici. c. Clerici. c. cum non ab homine. c. qualiter de iudic. cap. si diligenti. cap. signis. c. si de foro compet. Autent. statutus. de Episcop. & Clericis.* & tradunt omnes catholici, & merito: quia hæc exemptione eorum dignitas commendatur, & maior illis reuerentia exhibetur. Sed quo iure illis hæc exemptio competat, an diuino, an canonico, an ciuili: hoc est ita certum.

2 Et quidem si loquamur de exemptione in causis spiritualibus, fidem, inquam, sacramentum, sacrificium, & diuinum cultum, animarumque salutem respicientibus, omnino tenen-

dum est, iure diuino Clericos exemptos esse à iurisdictione laicorum; quia harum causarum spiritualium iudicium illis solis competere potest, quibus Christus concessit, cum ab illo eorum constitutio emanauit. At soli Petro eiusque successoribus promissum fuit illis verbis *Tu es Petrus. & super hanc petram edificabo Ecclesiam meam, & conuestim ei dictum est. Pascue oues meas.* Ergo solus Petrus, eiusque successor, & quibus ipse commiserit, hoc iudicium habent. Ergo Reges, alique Principes humani illo carent. Ergo ab eorum iurisdictione in his causis Clerici exempti sunt. Adde non solum in iudicio harum causarum clericos à iurisdictione laicorum exemptos esse, sed etiam laicos, quia laici subdi non possunt seculari iurisdictioni, nisi causa agitata ad iurisdictionem secularem pertineat: cum ergo causa spiritualis extra iurisdictionem secularem sit, efficitur sanè nequaquam in illo foro iudicari laicos posse de illa: sic laicus probans docet *Suar. de fens. fidei. lib. 4. de immun. Ecclesiast. c. 2. per totum. Cou. præf. g. c. 3. n. 2. vers. prima conclus.* Farin. *lib. 1. praxi. tit. 1. q. 8. n. 2.* Molina *Th. ologus tom. 1. disp. 31. concl. 2.*

3 At si de exemptione in causis temporalibus, solutione, inquam, tributorum, punitione criminum, obligatione legum ciuiliū sermo sit, variant Doctores: Alij affirmant ex iure diuino hanc exemptionem procedere: sic Abbas *in c. Ecclesia sancte Maria de constitutionibus, num. 6.* Felin. *lib. num. 6.* plures referens, Rebuff *in concordat. tit. 11. Afauar. in cap. noui. de iudicis. notat quoad exemptionem in criminalibus.* Clar. *præf. lib. 5. §. fin. quæst. 35.* Zenedo *collec. 37.* Bellar. *lib. de clericis, cap. 28. proposit. 5. c. 29.* & latius *in disp. speciali. tom. 2. in fine.* & alij, & alij plures relati à Couart. & Farinac. locis allegandis, cum glossa *in cap. 6. si Imperator, 96. dist. 8. cap. quaquam de censuris in 6.* Probant primò, exemptionem in criminalibus ex illo *Psalm. 104. Nolite tangere Christos meos, quasi diceret. Vos qui Reges estis, & potestatem habetis iudicandi, eos qui oleo sancto*